

BOSNA I HERCEGOVINA  
 FEDERACIJA BiH  
 ZENIČKO-DOBOJSKI KANTON  
 GRAD ZENICA  
 Služba za ekologiju, komunalne i inspeksijske poslove

Broj:09-19-14518/20 H.B.  
 Zenica, 12.08.2020.godine

## STRUČNA SLUŽBA GRADSKOG VIJEĆA

**PREDMET:** Izvještaj o poslovanju Javnog preduzeća „Vodovod i kanalizacija“  
 d.o.o. za 2019.godinu

Programom rada Gradskog vijeća Zenica za period 01.07. do 31.12. 2020.godine predviđeno je razmatranje Izvještaja o poslovanju Javnog preduzeća „Vodovod i kanalizacija“ d.o.o. Zenica za 2019.godinu.

Kao jedan od obrađivača materijala dajemo stav na isti kako slijedi:

Dostavljeni godišnji izvještaj o poslovanju ovog preduzeća sadrži :

1. Izvještaj o poslovanju za 2019.godinu , sa iskazanim osvrtom na:

- opće podatke o preduzeću;
- poslovanje preduzeća kroz oblasti vodosnabdjevanje, kanalizacija, javne nabavke, statusi predmeta zaključno sa 31.12.2019.godine, zaposlenost, plaće i ostala dodatna primanja iz radnog odnosa, bilans stanja, ukupna potraživanja i ukupne obaveze, novčana sredstva, ukupni prihodi i rashodi poslovanja, poslovni rezultat, evidentiranje konsalting usluga-ispravka 2018.godine i investiciona ulaganja;
- razvojni projekti – Vodosnabdjevanje i odvodnja otpadnih voda BiH II; Sakupljanje i tretman otpadnih voda i Izgradnja regionalnog vodovoda Plava voda;
- rezime značajnih parametara;
- zaključna razmatranja i
- prilozi koji uključuju: Pregled proizvedenih, isporučenih i fakturisanih te količina neprihodovane vode za 2019.godinu; Struktura ukupnog prihoda; Struktura ukupnog rashoda; Pregled potraživanja od kupaca; Pregled fakturisane i naplaćene realizacije; Pregled investicionih ulaganja; Pregled ukupnih potraživanja od kupaca za period 1995. do 2019.godina; Pregled obaveza i potraživanja za period 2004. do 2019.godine i Dijagram karakteristika u vodosnabdjevanju 2001.-2019.godina.

Uz Izvještaj je dostavljena Odluka Nadzornog odbora broj:101-8298/20MJ od 14.07.2020.godine.

2. Finansijske izvještaje za 2019.godinu sa Izvještajem ovlaštenog revizora-Društvo za reviziju, računovodstvo i konsalting „ETIC“ d.o.o. Zenica.

Uz Izvještaj je dostavljen Zaključak Nadzornog odbora broj:101-8299/20MJ od 14.07.2020.godine

3. Izvještaj o radu Nadzornog odbora za 2019.godinu sa Izvještajem o radu i ocjenom rada direktora preduzeća.

Rad direktora preduzeća ocijenjen je kao profesionalan i uspješan.

Uz Izvještaj je dostavljen Zaključak Nadzornog odbora broj:101-8124-1/20MJ od 14.07.2020.godine.

4. Izvještaj o radu Odbora za reviziju za 2019.godinu.

Vodosnabdjevanje Grada Zenica vrši se sa tri izvorišta: Kruščica, Strmešnjak i Klopče, te Babine rijeke kao otvorenog vodozahvata. Od ukupno proizvedene količine pitke vode za vodosnabdjevanje Grada Zenica u 2019. godini, na izvorištu Kruščica proizvedeno je cca 82%.

Generalno posmatrajući, u 2019. godini proizvedeno je 0,20 % manje pitke vode nego u 2018. godini. U odnosu na Plan za 2019. godinu, proizvedeno je 2,6% manje pitke vode.

U okviru kontrole kvaliteta vode u 2019. godini kontrolisano je ukupno 5.646 uzoraka vode.

Ukupni gubici vode u 2019. godini su za 1,7 % veći u odnosu na 2018. godinu.

Kada je u pitanju drugi najznačajniji segment aktivnosti Javnog preduzeća "Vodovod i kanalizacija" d.o.o. Zenica, tj. održavanje kanalizacione mreže Grada Zenica, u 2019. godini je evidentirano 1.043 intervencija na fekalnoj kanalizaciji i 9.608 intervencija na kišnoj kanalizaciji.


Aktivnosti na održavanju kiše kanalizacije realizovane su kroz godišnji ugovor zaključen između Preduzeća i Grada Zenica.


Javno preduzeće "Vodovod i kanalizacija" d.o.o. Zenica je u 2019. godini ostvarilo neto dobit u iznosu od 90.115,00 KM. Detaljni finansijski pokazatelji poslovanja preduzeća u 2019. godini mogu se dobiti na osnovu podataka iz priloženog Izveštaja ovlaštenog revizora.

Napominjemo da su svi navedeni materijali dostavljeni u elektronskoj formi na adresu: [azra.hajdarevic@zenica.ba](mailto:azra.hajdarevic@zenica.ba) dana 11.08.2020. godine.

S poštovanjem!

Pripremili:

1. Hadžiselimović Bernardica,   
stručna savjetnica za normativno-pravne poslove.

2. Denis Kulenović,   
viši stručni saradnik za ekonomsko-analitičke, opće i  
poslove planiranja

DOSTAVLJENO:

1 x naslovu

1 x u spis



POMOĆNICA GRADONAČELNIKA

  
Helvida Sabira, dipl.ing.građ.